

MEMORIA XUSTIFICATIVA DO CONVENIO DE COLABORACIÓN ENTRE A VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E DEPORTES E A FUNDACIÓN CUME PARA EL DESARROLLO DE CULTURAS Y PUEBLOS PARA A REALIZACIÓN DO PROXECTO "ASISTENCIA HUMANITARIA A FAMILIAS EXTREMADAMENTE VULNERABLES A SECA POR VIVIR LONXE DE SISTEMAS DE AUGA POTABLE EN DOUS COMUNIDADES DO MUNICIPIO DE CALAMARCA: CHORITOTORA E NINACHO

(1) A Xunta de Galicia ten como un dos seus obxectivos prioritarios a política de cooperación ao desenvolvemento. A Dirección Xeral de Relacións Exteriores e coa UE, segundo o Decreto 79/2023, do 22 de xuño, pola que se fixa a estrutura orgánica das vicepresidencias e das consellerías da Xunta de Galicia e en exercicio das súas atribucións segundo a súa disposición transitoria primeira, é o órgano superior da Administración autonómica da cooperación para o desenvolvemento.

A Lei 10/2021, de 9 de marzo, reguladora da acción exterior e da cooperación para o desenvolvemento de Galicia establece, no seu artigo 81, como obxectivos da política pública de cooperación para o desenvolvemento, contribuír á erradicación da fame, da pobreza e da desigualdade, en todas as súas formas e dimensións, para que todos os seres humanos poidan realizar o seu potencial con dignidade e liberdade, cunha atención específica ás necesidades e demandas das persoas e os colectivos máis vulnerables; e promover a sustentabilidade da vida protexendo o planeta contra a degradación, fomentando un consumo, unha produción e unha xestión de recursos que promova a conservación da biodiversidade e a loita contra o cambio climático, así como fortalecer as capacidades das persoas, comunidades, organizacións e institucións para anticiparse e prever riscos, ameazas, acontecementos adversos ou desastres, sendo quen de recuperarse, adaptarse e prosperar despois da crise económica, política, social ou ambiental.

Doutro lado, o V Plan director da Cooperación Galega 2023-2026 establece, como ámbitos estratéxicos, o de promover o exercicio dos dereitos sociais básicos, entre os que se atopa o dereito á auga, polas persoas e colectivos máis pobres e vulnerables, AE1; o de apoiar a agricultura, a pesca e a acuicultura sustentables cun enfoque de soberanía alimentaria, preservando os recursos naturais no marco de modelos de desenvolvemento rural e territorial integrados, inclusivos, solidarios e redistributivos



para unha prosperidade compartida, AE2; e o AE5, loitar contra o cambio climático e promover a sustentabilidade e a xustiza ambientais

O citado Plan director refírese ás prioridades xeográficas, entre as que se atopa Bolivia.

(2) Antecedentes:

A Fundación Cume para el Desarrollo de Culturas y Pueblos é unha entidade sen ánimo de lucro que ten entre os seus fins a promoción de actividades encamiñadas á protección e integración social e, para estes efectos, desenvolve proxectos de acción social, cooperación para o desenvolvemento e sensibilización. A fundación, que ten a súa delegación central en Galicia, está inscrita no Rexistro de Fundacións de Interese Galego e no Rexistro Galego de Axentes de Cooperación dende o ano 1997 e está rexistrada tamén na Axencia Española de Cooperación Internacional para el Desarrollo (AECID) dende o ano 2001. A fundación participa en redes e plataformas sectoriais e está integrada na Coordinadora Galega de ONGD, e na Coordinadora Española de ONGD, a través da primeira; e é organización fundadora da READI (Rede Euro Árabe para o Desenvolvemento e a Integración).

A Fundación Cume para o Desenvolvemento de Culturas e Pobos leva traballando en proxectos de cooperación en distintos países coma Haití, Guatemala, O Salvador, Nicaragua, Ecuador, República Dominicana, Cuba, Honduras, Costa Rica, Bolivia, Perú, Colombia, Arxentina, Costa do Marfil, RD Congo, Mozambique, Quenia, Alxeria e Djibuti; cuxos principais sectores de traballo en cooperación son a igualdade da muller; auga e saneamento; seguridade alimentaria; saúde; vivenda; educación; medioambiente e xeración de emprego e proxectos socioproductivos.

(3) Finalidade: co obxectivo de contribuír garantir a supervivencia das 35 familias máis vulnerables a escasez de auga por vivir sen conexión e lonxe dos sistemas de auga potable das comunidades de Choritotora e Ninacho, familias directamente afectadas pola seca causada polo fenómeno climático do Niño, agravado polos efectos do cambio climático; tense previsto formalizar o instrumento convencional por un período de vixencia que abrangue dende o día seguinte da súa sinatura ata o 31 de decembro de 2023.



(4) O convenio ten por **obxecto** establecer as condicións polas que se rexerá a colaboración entre a Vicepresidencia Primeira e Consellería de Presidencia, Xustiza e a Fundación CUME no proxecto "Asistencia humanitaria a familias extremadamente vulnerables a seca por vivir lonxe de sistemas de auga potable en dous comunidades do Municipio de Calamarca: Choritotora y Ninacho".

(5) Tendo en conta a natureza das actividades desenvolvidas pola Fundación Cume para el Desarrollo de Culturas y Pueblos, e dada a especificidade das actividades obxecto do proxecto, que son de claro interese público e inciden directamente no ámbito da cidadanía, así como a premura e urxencia na cobertura das necesidades básicas de familias especialmente vulnerables, a Dirección Xeral de Relacións Exteriores e coa UE considera que o proxecto de convenio reúne os requisitos esixidos para a concesión directa de subvencións no artigo 26 da Lei 9/2007, do 13 de xuño, de subvencións de Galicia, ao non ser posible promover a concorrência pública.

(6) A Xunta de Galicia financiará o proxecto cunha achega total de sesenta e seis mil euros (66.000,00 €) con cargo á aplicación orzamentaria 06.07.331A.490.0.

(7) Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de Contratos do Sector Público, pola que se transponen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Asinado electronicamente en Santiago de Compostela

O director xeral de Relacións Exteriores e coa U.E.

Jesús Gamallo Aller

